

傷寒指掌卷二

歸安吳貞安原本

元和陸懋修九芝重訂

三陰總辨

撰傷寒書者每於三陰或熱或寒之故都模糊過去即有傳經直中之分亦非仲景本旨此處不明何以臨症用陳鄙意質諸高明

一三陰有易經注入之邪有本經自感之邪注入之邪則傳變不一易主動也自感之邪則在本經陰靜也

一三陰世都以傳經直中分兩門傳經悉指為熱直中悉指為寒此說似是而實有未盡者夫傳經即邪從三陽經傳入直中即本經自受之風寒也蓋邪之傳入三陰熱症固多而寒症亦間有本經中寒固無熱症而中風亦能發熱未可以此分寒熱了之其症細述於左

一邪從陽經注入三陰則或為熱症或為寒症如邪入太陽先作鬱熱以次傳入陰經則為熱症或邪在太陽不及鬱即入少陰而現少陰形證則為寒症或



世補齋傷寒指掌卷之二

三陰總辨

太陰經症

太陰總要述古

理中湯 桂枝湯

五苓散

四逆散

四逆加人參湯

三物白散

桂枝加芍藥湯

桂枝加大黃湯

太陰本病述古

腹滿 腹痛

發黃

吐利

太陰新法

少陰經症

少陰總要述古

麻黃附子細辛湯

附子湯

通脉四逆人參湯

黃連阿膠湯

麻

黃附子甘草湯

四逆湯

真武湯

猪苓湯

四逆湯

大承氣湯

少陰本病述古



但欲寐口燥咽乾 咽痛吐 吐痢 下痢

少陰新法

厥陰經症

厥陰總要述古

當歸四逆湯

桂枝湯

白頭翁湯

乾姜黃連黃芩人參湯

烏梅

丸

刺期門

四逆湯

白虎湯

厥陰本病述古

氣上衝心

吐蚘

厥下痢

少腹滿

囊縮

厥陰新法

救逆述古

誤汗例

誤下例

救厥新法

瘥後諸病述古

瘥後諸病新法

瘥後浮腫

瘥後昏沉

汗後頭疼

解後額熱

解後腹熱



瘥後耳聾 瘥後語蹇 瘥後不寐 解後咳嗽 瘥後盜汗

瘥後妄言 瘥後吐涎沫 解後下血 瘥後頗毒 瘥後酒復

瘥後食復 瘥後勞復 氣虛勞復 陰虛勞復 瘥後色復

陰陽易 瘥後調理 瘥後禁忌



南京中醫藥大學圖書館藏

傷寒指掌卷二

歸安吳貞安原本

元和陸懋修九芝重訂

三陰總辨

撰傷寒書者每於三陰或熱或寒之故都模糊過去即有傳經直中之分亦非仲景本旨此處不明何以臨症用陳鄙意質諸高明

一三陰有易經注入之邪有本經自感之邪注入之邪則傳變不一易主動也自感之邪則在本經陰靜也

一三陰世都以傳經直中分兩門傳經悉指為熱直中悉指為寒此說似是而實有未盡者夫傳經即邪從三陽經傳入直中即本經自受之風寒也蓋邪之傳入三陰熱症固多而寒症亦間有本經中寒固無熱症而中風亦能發熱未可以此分寒熱了之其症細述於左

一邪從陽經注入三陰則或為熱症或為寒症如邪入太陽先作鬱熱以次傳入陰經則為熱症或邪在太陽不及鬱即入少陰而現少陰形證則為寒症或

太陽之邪即入少陽而仍帶太陽標病則為先寒後熱之症或太陽之邪不傳陽明少陽便入三陰隨其人之體質虛實藏腑寒熱則從陰化為寒症從陽化為熱症或風溫之邪從三陽入陰經則無不為熱症凡三陰篇內所撰轉屬陽明而用承氣等湯皆陽經傳入之熱症也

一三陰自受之邪各有中風中寒之症三陰中風則能發熱以風屬陽邪故也三陰屬寒則不能發熱以寒屬陰邪故也即少陽有反熱之症亦必帶太陽標病而後人但知傳入三陰為傷寒不知三陰自感亦傷寒也故於本經中風發熱便誤認為傳經標病以本藏中寒無熱即指為直中陰症詎知桂枝湯為表之裏藥固能兼治三陰自感之風邪而理中四逆等湯本治三陰自感之寒邪也耶蓋風寒六氣之傷人或入于陽或入于陰原無一定但值何經之虛而治之不得專以太陽為受邪之始也故三陰固有陽經注入之症亦有本經自感之症均屬傷寒不必另立名目也茲於三陰經中無直中之條非畧也正不敢添蛇足也

一三陰自受之邪論中有可歷指而見者如太陰病脉浮者可發汗宜桂枝湯

此太陰中風也如太陰病腹滿而吐自利益甚時腹自痛此太陰中寒之症也如少陰中風脉陽微陰浮者為欲愈此即少陰中風欲愈之脉也至于少陰中寒宜汗者麻黃附子細辛湯當溫者附子四逆等湯是也如厥陰中風脉微浮為欲愈此即厥陰中風欲愈之脉也厥陰中寒即當歸四逆加吳茱萸生薑湯是也閱少陰厥陰篇內止有中風欲愈之脉並無未愈之症治者必有補文也一三陰篇內惟少陰有大承氣急下三症而太陰厥陰篇內並無承氣之條奈何後人反稱邪在厥陰三承氣迭用夫承氣本陽明胃藥少陰用承氣蓋因腎水一虧胃土燥實病已轉屬陽明故急下以存陰液仲景述厥陰病云下之利不止此厥陰忌下之明戒焉有邪在厥陰反用承氣之理聖訓具在是非自見



太陰經症

太陰總要述古

理中湯 桂枝湯 五苓散 四逆湯 四逆加人參湯 三物白散

桂枝加芍藥湯 桂枝加大黃湯

太陰本病述古

腹滿 腹痛 發黃 吐痢

太陰濕土所主仲景以腹滿而吐食不下時腹自痛自痢不渴等症為太陰病乃濕土自病非陽經注入之症也其脉必沉而細無論外受寒邪內傷生冷總以溫中散寒為主理中湯主之

若太陰中風其脉尺寸俱浮其症四肢煩疼者可發汗宜桂枝湯其脉陽微陰濇而長者為欲愈也

太陰腹滿而痛自痢不渴者因于寒咽乾而渴者因于熱因于寒濕土自病宜理中溫之因于熱病必關于陽明或暴煩下痢或發黃便鞭此脾家實即屬胃家之熱為轉屬陽明之症宜從陽明治



傷寒脉浮而緩身不發熱手足自溫者太陰也太陰身當發黃若小便自利者不能發黃蓋寒濕傷于肌肉不能外越皮膚故發黃若小便利則濕氣輸膀胱便不發黃設小水不利當用五苓散利之然寒濕傷于太陰之表可從小便而出若濕熱傷于太陰之裏又當從大便而出故至七八日暴煩下利雖日十餘行不必治之以脾家實所積腐穢行盡自止矣蓋不須溫亦不須下也傷寒四五日腹中痛若轉氣下趨少腹者此欲自利也自利不渴者屬太陰以其臟有寒故也當溫之四逆輩

惡寒脉凝而復利四逆加人參湯主之

下痢十餘行脉反實者死此脾氣虛而邪氣盛故也

太陰腹滿時痛悞下之胸下結鞭而成寒實結胸無熱症者與三白小陷胸湯病在膈上者必吐膈下者必痢如不痢進熱粥一盃痢過不止進冷粥一盃

小陷胸湯
即三物散

若太陽悞下續得自利脉弱腹滿而痛此太陽之熱邪陷于太陰之裏也腹滿時痛為虛宜桂枝湯加芍藥腹滿大痛為實宜桂枝加大黃湯然脉弱則胃氣

亦弱故云設當用大黃為藥者宜減之

腹滿

腹屬陰屬裏故陽明裏症有腹滿三陰俱有腹滿 太陽汗後腹滿脾胃不和也二陳湯加厚朴和之陽明潮熱腹滿燥矢也下之身黃小水不利腹滿濕熱也茵陳蒿湯

太陰腹滿有虛寒如腹滿時痛食不下吐痢交作是也 理中湯加厚朴有實

熱如腹滿大痛咽乾便秘或發黃或暴下赤黃此脾家實熱為轉屬陽明宜承

氣加減合參準
繩金鑑

腹痛

邪氣入裏與正氣相持則腹痛故太陽無腹痛少陽有脇痛而無腹痛陽明裏症有腹痛三陰俱有腹痛當分部位中脘痛屬肝脾沉遲者內寒理中湯陽脉瀋陰脉弦小建中湯 少腹痛屬厥陰界分四肢逆冷小便清白是冷結膀胱宜當歸四逆加吳萸生姜湯溫之 如不厥冷小便自利者是血蓄膀胱宜桃仁承氣湯 小便不利者是水蓄膀胱五苓散大小便不利者是水熱蓄積八

正散若大實小腹滿痛或繞臍硬痛不大便脉實者承氣湯主之

發熱口渴脉弦洪而腹痛者屬脾熱芍藥黃芩湯 腹痛欲吐利煩躁飽悶者

防痧毒當刺委中少商等穴

合參準繩全鑒

按腹痛有虛實按之痛甚屬實按之痛減屬虛有寒熱自下逆攻而上者火也
自上奔迫于下者寒也 又傷寒腹痛以涼水試之其痛稍可者熱也轉甚者
寒也

發黃

傷寒發黃惟陽明太陰兩經有之 陽明病應遍身有汗今但頭汗出小便不

利心中懊懣身必發黃者瘀熱在裏內外無從發泄也 發汗已身目皆黃者

大發濕家汗風去濕不去也 發汗已太陰病身當發黃因小便不利濕土為

熱所蒸而黃色外現也若小便自利小腹硬滿者瘀血發黃也 治法陽明發

黃乃胃家移熱于脾必二便俱秘茵陳蒿湯太陰發黃是脾家濕熱必小便不

利大便反快茵陳五苓散 若發黃汗出身冷脉沉遲者陰黃也茵陳五苓加

金鑑云表實無汗發黃者宜麻黃連翹赤小豆湯汗之裏實不便者宜茵陳蒿湯下之無表裏症而熱甚者宜梔子柏皮湯清之大便溏小便不利發黃者宜茵陳五苓散利之陰證發黃者宜茵陳四逆湯溫之環口黎黑冷汗者陰黃死症也身體枯燥如爛煤者陽黃死症也

吐痢

按太陰腹痛吐痢一屬寒濕六脈沉細舌潤不渴是也宜理中二陳藿朴之類溫中散寒一屬濕熱舌燥口渴小便短赤是也宜二陳二苓枳實厚朴川連之類清熱利濕

太陰新法

東南之地水潦歸焉居其處者多蒙濕邪之害然閩廣濕勝江浙則濕熱相兼感之為病內應太陰以太陰濕土所主也今將太陰本病傳經並列于左病無遁形矣

凡見腹痛吐痢交作脘悶不食六脈沉細或伏舌胎黑滑或白滑口不渴飲此太陰感寒本病也當以理中湯為主治兼外感加蘇葉脹滿加厚朴有食加青

陳查麴之類吐多加丁香藿梗瀉多加木香木瓜

太陰感寒

有腹痛痞滿嘔吐不納舌燥渴飲或大便泄瀉小水不利或二便俱秘此濕熱

內結于太陰急宜開之須半夏赤苓厚朴草寇川連通草廣皮滑石之類如便

秘不瀉加枳實大黃行之此即轉屬陽明也

濕熱內結

如發熱不已頭重身痛大便

順小便澀脫滿不飢舌胎白膩脉象沉細而緩者此濕邪內着太陰受病也宜

二陳茅朮厚朴猪苓澤瀉茵陳米仁姜皮之類濕邪去熱自退矣汗不少加桂

枝秦艽汗少加紫蘇

濕邪內着

若發熱一身盡痛而兼四肢微腫者此風濕流注手足也宜二陳加米仁桂枝

秦艽防己羌活木瓜片姜黃之類足脛紅腫令二妙

風濕流注

凡傷寒熱甚不解但頭汗出腹滿溺澀目黃口渴舌胎黃膩此濕熱鬱于太陰

欲發黃也急用茵陳二苓枳實厚朴黃柏梔子茅朮秦艽車前澤瀉等利之清

之二便俱秘小腹脹滿者此轉屬陽明也宜茵陳蒿湯

濕熱發黃

凡遇傷寒發熱之

症已經解表清裏俱不應但看舌胎白滑粘膩脘悶惡心口不渴飲雖熱不欲

去衣被者此外感風濕之邪着于太陰肌軀之表其病尚在氣分宜解肌法用

桂枝秦艽紫蘇半夏苓皮姜皮厚朴廣皮之類微微汗之則風濕俱去矣

肌表風濕

以上諸條皆太陰本經自病

若邪從陽經傳入太陰則熱愈深毒愈甚舌見純黃純黑唇齒焦燥目黃面赤腹大熱或脯熱手足不欲煖蓋小便赤澀舌無芒刺者熱毒暴下也古起芒刺者大便通也三陰無竅俱借陽明為出路故兼見陽明證者為輕大便通者只宜清裏解毒大便不通者兼導之清之清裏解毒如犀角芩連梔翹銀花人中黃之類導下如枳實厚朴枳榔大黃之類

陽邪傳裏熱症

若由失表失清以致毒邪凝結于裏陷于太陰每有發為五癍者其症反脉靜身涼有似邪退正復之象但看舌胎純黃中見黑點純黑中見純黃點或黑胎集於中心此皆生癍之驗也火重者癍必紅毒深者癍反白若藍癍則食毒俱足胃將爛矣紫癍發于少腹章門之間毒歸于腎也黃癍發于手足唇口之上毒歸于脾也均屬危惡之症治法亦只清解毒火宣通氣血犀角連翹赤芍銀花川連人中黃括蘘皮牛蒡子枳榔查肉天虫角刺之屬內外兩解若見面白因

青則陽氣下陷之屬不治此藥又不可投若見身上汗出津津則元氣已泄其
死尤速蓋病邪傳裏雖病太陰而三陰與之同病者也所藉者獨一肺經而已
肺氣開則面紅肺氣閉則面白若面黃則胆氣絕矣身黃則脾氣絕矣病在三
陰臨症者尤宜深察焉

邪陷太陰發瘧



少陰經症

少陰總要述古

麻黃附子甘草湯

附子湯

通脈四逆

人參湯

黃連阿膠湯

大承氣湯

少陰本述古

但欲寐口燥咽乾

咽痛

吐

吐利

下利

少陰症仲景以脉凝細但欲寐為主病此指正氣之虛非亦邪氣之實也凡舌乾口燥心煩泄利下重是少陰實邪見象引衣蹠卧下利清穀腹痛吐瀉是少陰虛寒見証脉以沉實有力為實熱沉細無力為虛寒須分屬之又煩為陽躁為陰少陰以煩為生機躁為死兆

凡初起發熱身痛而頭不痛脉沉而微細無裏症但欲寐者此少陰感寒之表症也宜麻黃桂枝細辛湯峻汗之若發熱在二三日後麻黃附子甘草湯微汗之蓋少陰與太陽為表裏故發熱即可發汗是假太陽為出路也

若惡寒身痛手足冷骨節痛口中和而脉沉者是表裏俱寒也附子湯大溫大補之

若下痢清穀裏寒表熱手足厥冷脉微欲絕但欲寐者此太陽轉少陰也四逆